

Održane rasprave sa revidiranim korisnicima Budžeta Federacije BiH

U periodu od 04. do 08.12.2017. godine, Parlamentarna komisija odgovorna za reviziju održala je rasprave o revizorskim izvještajima za 2016. godinu sa korisnicima Budžeta FBiH.

U skladu sa Zakonom o reviziji institucija u FBiH („Sl. Novine FBiH“ broj:22/06), Ured za reviziju institucija u FBiH dužan je svake godine obaviti reviziju Godišnjeg izvještaja o izvršenju Budžeta FBiH i 19 korisnika Budžeta FBiH. Rasprave su obavljene za 16 izvještaja u kojima su data mišljenja s rezervom ili negativna mišljenja, dok izvještaji za četiri korisnika Budžeta FBiH kojima su data pozitivna mišljenja o finansijskim izvještajima i o usklađenosti sa zakonima i propisima, nisu bila predmet rasprave.

Predstavnici Ureda za reviziju institucija u FBiH dali su uvodna izlaganja za svaki pojedinačni izvještaj. Tokom rasprave članovi Parlamentarne komisije su postavljali pitanja i diskutovali o utvrđenim nepravilnostima, a predstavnici revidiranih subjekata su prezentirali postupanje po preporukama koje su date u izvještajima o izvršenoj reviziji, kao i razloge nepostupanja po pojedinim preporukama.

Parlamentarna komisija sačinit će izvještaj o održanim raspravama sa zaključcima za svaki pojedinačni izvještaj, te isti dostaviti Parlamentu FBiH.

U narednom periodu, Parlamentarna komisija održat će rasprave i za ostale subjekte na nivou Federacije BiH koji su bili predmet revizije za 2016. godinu.

Sarajevo, 19.12.2017. godine